



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Perfectionibvs Moribvsqve Divinis Libri XIV

Lessius, Leonardus

Antverpiae, 1620

Cap. III. De substantiali & intima præsentia Dei in rebus omnibus, & quis hinc fructus colligendus.

[urn:nbn:de:hbz:466:1-46817](#)

esse in spatiis imaginariis, id est ubicumque mens aliquod spatium concipere potest.

CAP V T III.

De substantiali & intima praesentia Dei in rebus omnibus: & quis hinc fructus colligendus.

RATIONE immensitatis fit, ut Diuinitas per suam essentiā omnia peruadat, & omnibus rebus sit intima, & intimē præsens ac coniuncta loco seu spatio, iuxta illud: *Celum & terrā ego impleo, dicit Dominus.* Si implet, ergo ipse ibi per se præsens est, sicut lumen cælos & aërem suo modo implens, ibi per se intimē præsens est. Et Actuum 17. *Non longè est ab unoquoque nostrū: in ipso enim viuimus, & mouemur, & sumus.* In ipso, non solū tamquā in causa efficiente, sed etiam tamquam in sede, fundo, & basi nos capiente, sustentante, conseruante & vndique ambiente. Si enim solū de efficientia vel conseruatione actiua loqueretur Apostolus, non efficaciter probaret, illum non longè esse ab unoquoque nostrū, nam sol longissimē distans à terra, in ea tamen lumen, calorem, & res innumerās producit & conseruat. Plus ergo voluit, nimur nos in ipso esse & viuere, sicut in domicilio & fundo firmissimo, vt loquitur Dionysius lib. De diuinis nominibus cap. 1. & 10. Arnobius, & Tertullianus supra. Porrò ubi Diuinitas est, ibi etiam sunt tres Personæ cum tota potentia, sapientia, bonitate, maiestate, certisque perfectionibus suis. Quæ sane consideratio mire excitat animum ad reverentiam. Addo, Deum cum omnibus suis bonis quadam ratione magis esse præsentem cuique rei, quām ipsa sit præsens sibi ipse: nam totus est præsens & intimus cuilibet particula & indivisiibili punto rei: ipsa verò res non est singulis partibus suis præsens tota, nec una pars est præsens intimē alteri parti, nec vlla pars toti. Vnde etiam anima præsentior est corpori, quām corpus sibi.

Ex quibus p̄spicuum est, hanc præsentiam esse perfectissimam, 17 ad eō ut perfectior nulla singi possit. Quo sit, ut hæc præsentia multūm distinguatur ab illa, qua Deus dicitur esse vbique per potentiam & in perfectionem, vulgo per presentiā. Per potentiam dicitur esse vbique præsens, tum quia vbique dominatur, & iurisdictionem ac imperiū obtinet, ita ut de omnibus possit disponere: tum quia vbi que

que operatur omnia conseruans & gubernans. Per inspectionem quia omnia in conspectu eius sunt posita: & ipse omnia clarissime semper & ubique intuetur. Hi duo modi existendi in rebus, per se non postulant intimam præsentiam essentiae: quia etiamsi per essentiam solum esset præsens in celo, tamen concipi posset esse ubique per potentiam & inspectionem. Itaque haec præsentia, quæ illi conuenit ratione immensitatis, est longè perfectior, cum requirat intimam essentiae coniunctionem, & indistinctam. Addo, hanc præsentiam talem esse, ut per eam Deus necessariò sit futurus omnibus rebus substantialiter & intimè præsens, etiamsi singatur ipse non esse rerum auctor, & illæ ab alio principio ponantur productæ: quia ipse omne spatiū imaginabile necessariò occupat, siue ibi ut res aliqua creata, siue non.

18 Hoc tamen diligenter considerandum est, etiamsi Deus omnibus rebus sit intimè præsens, ealque suo substantifico influxu tangat & conseruet, ab illis tamen non posse tangi, ac proinde nec inquinari, sicut anima à corpore tangitur & inquinatur, dum eam incipit informare. Nam ita præsens est logo, seu locali præsentia & indistincta, cuilibet rei, ut tamen naturæ gradu & cœlitudine infinitè distet, in seipsum collectus, & firmissime in sua puritate subsisteat, ab omnibus segregatus. Vnde simul & coniunctissimus est & remotissimus, præsentissimus & secretissimus, vnitissimus seu collectissimus & diffusissimus. Et quamuis infinitis modis per suos influxus ad creaturas descendat, manet tamen in sua cœlitudine & immobili identitate stabiliter fixus, ut S. Dionyius ait.

19 Ex his sequitur primò, Posse nos Deum in omnibus rebus intueri, non solum ut in effectu, vestigio, aut imagine, sed etiam ut ibi re ipsa latentem, occultatum, & veluti sifario quodam creatæ naturæ velatum. Sunt enim omnia creatæ veluti tenuia integumenta, magnum illud arcanum & Sanctum sanctorum velantia. amoue cortinas, & vide quid intus lateat, illud nudum & quorum intuere. Loquor de intuitu mentis per contemplationem, cuius homo in hac vita est capax.

20 Sequitur secundò, Posse nos omnia intueri in Deo. Omnia enim ab ipso & intimè penetrantur, & profundissimè sustentantur, & exterius diffusissimè circumdantur. Vnde totus mundus ita est in Deo, sicut paruula sponsa in vastissimo mari. Mare enim exterius immensa vastitate sua illam ambit & circumfundit, interius intimè penetrat & humectat, & sua vi sustentat. Vnde sicut globulus vi-

Lib. De ex-
cel. hic-
ratch. cap. r.

Intuendum
est Deum
in omnibus.

Augustinus
l.7. Confess.
cap. 5.

E treus

treus in lumine solis: lumen enim interius totum globulum pene-
trat, & exterius ambit, in immensum se diffundens circumquaque.

*Gaudium de
eius presen-
tia.* Sequitur tertio, Maximum debere nos cōcipere gaudiū, quod 21
tantum thesaurum intra nos, nimurum in anima nostra, in corde
nostro, in omnibus animæ viribus, in omnibus corporis particulis
habeamus: nimurum Deum ipsum, Patrem, Filium, Spiritum san-
ctum, cum tota potentia, sapientia, bonitate, omnibusq; perfectio-
nibus & diuitiis suis: præsertim cum & bonorum ipsius simus ca-
paces, & ipse propensissima voluntate in nos ea cupiat diffundere,
si nos ad excipiendum præbeamus idoneos. Cum enim ita nobis
sit intimus, facile potest nos perficere. Sinat tantum sua dona in nos
etiam, statim implabitur splendoribus anima nostra, & vita æter-
na in nos dimanabit: sicut si anima nostra esset omnipotens, nihil
esset proclivius quam ut corpus nostrum statim perfectum & glo-
riosum euaderet. Quis ista pérpendens, gaudio non exultet, omni
mæstro depulso: Adhuc enim modicum, & immensum illud bo-
norum pelagus in animas nostras exundabit, easq; dulcedinis suæ,
& omnium gaudiorū suorum participes faciet: si tamen nos dignæ
ad hoc comparauerimus, contemptis transitoriis ad æterna suspi-
rantes. Orietur etiam ex eadem consideratione ingens in periculis
omnibus fiducia. Si enim Deus non solum intra nos est, intime nos
penetrans & sustentans, sed etiam vndique exterius circumdat &
ambit, quis poterit nobis nocere, nisi ipse id peculiariter permittat?
Quod si permiserit, certè de manu ipsius patienter & libenter de-
bemus accipere, qui facit ut diligentibus ipsum omnia cooperetur
in bonum, qui si quid aduersi permittit, boni nostri causa permittit.

*In presencia
eius versan-
dum.* Sequitur quartò, Debere nos semper tamquā in præsentia Dei, 22
cum magna reverentia versari. Est enim nobis præsentissimus, om-
nes nostras cogitationes intuens, omnes affectus peruidēs, omnium
corda & renes perscrutans, & expeditam habens omnipotentiam
suam ad nos æternā pœna subito mactandos, si cum auti fuerimus
offendere. Sicut enim intolerabilis est testitatis, in præsencia
Principis pro tribunali sedentis, & pœnam mortis minitantis, vio-
lare eius legem; ita multò magis intolerabile est, in præsencia Dei
æternam mortem intentantis, & valentis statim inferre, audere
eius præcepta contemnere: quod facit omnis qui peccat mortife-
re. Vnde qui attentè hanc Dei præsentiam considerat, eamque
semper ob oculos habet, numquam audebit illum offendere: sed
assidue ad eius amorem & timorem excitabitur. Magnum itaque
hac

hac in re ponendum studium, magnaq; exercitatio, vt Deum semper nobis præsentem, omniaque nostra intuentem statuamus.

²³ Sequitur quinto, Reuocandas esse cogitationes nostras, quas extrosum per creaturas dispersas habemus, & aequaliter ad nos ipsos converendas, deinde in fundum animi descendendum, ibidem hoc immensum arcanum resperturi. Quorsum enim per creaturas extra nos palabundi quererimus, quod intra nos in Deo multo felicius & uberiorius obtinere possumus?

C A P V T . IV.

Recollectio precatoria, de immensitate.

²⁴ MAGNVS es, Domine, & laudabilis validè, & magnitudinis tuæ non est finis, excelsior cælo, latior mari, profundior abyssis, implens omnia, circumdans omnia, & tamquam sphæram modicam totum hoc vniuersum palmo circumplectens. Tu sphæra incomprehensibilis, cuius centrum ubique, ambitus & circumferentia nusquam, ut quidam Philosophus recte dixit, si sano sensu, intellexit.

²⁵ Omnia locorum spatia occupas intra & extra mundum, fundamen ipse, sedes & spatium omnis spatiij, extendens & substituens primò, omnium spatiorum & interuallorum tam possibiliū quam realium immensitatem, tamquam prima omnium basis, cui omnia innixa. Neque enim cælum dumtaxat extendis, & huius mundi capacissimā vastitatem: sed miro quodam modo etiam hoc ipsum spatium in quo mundum ipsum condidisti, expandis, non alio sanè interuallo quam magnitudinis tuæ. Hæc est prima & fundamentalis capacitas, spatiofitas, seu laxitas, in qua omne aliud spatium constare debet, & cuius ratione immensum spatium creatæ menti est imaginabile: sicut eternitas tua est prima & originalis duratio, omnis durationis concepibilis fundamentum. Neque solum in immensum diffusus, interuallum subtendis & extendis immensum, sed etiam in omnibus & singulis huius vniuersi rebus & locis, in omnibus punctis designabilibus totus es collectus, totus cōpletus, totus præsens, totus interior, cum vniuersa potentia, sapientia, bonitate, ceterisque perfectionibus tuis, & cum omnibus donis &

²⁶ opibus tuis, quibus creaturam tuam beare & ornare potes. Lates intra singula totus, assidue omnia creans, formans, conservans &

E 2 tenens

